

摘藻堂四庫全書薈要

史部

欽定大清會典卷九十

內務府

掌儀司三

凡

列聖

列后大事

皇太子

皇貴妃

妃嬪之事皆由司豫行知會禮部檢稽案卷工部
營造司備物材器四兵部備守衛光祿寺備供
用其一切應行典禮皆會同禮部具題請

旨按例遵行

詳見禮部
祠祭司

所需白布取於戶部

梓宮大事應用幣帛取諸內庫

金棺之事取諸戶部其製造定式及應用事宜自
初喪以及除服內務府實司之

几陳設初喪設

几筵奉安

梓宮於殿中南嚮覆以幃帳前設寶榻藉以錦茵榻前
設香案陳銀香鼎燭檠花餅案前設香几陳博
山鑪香合筋餅案左右設鐙几陳羊角鐙幃帳
左右設白綾幔障數架以別內外幔前列几四
陳

冊於左

寶於右次設金蓮花餅左右各一地皆藉以氍席每奠
暫移香案香几鐙几於旁奠畢復設如初皆內
監司其事

金棺前不設香几鐙几
冊寶金蓮花餅餘皆同

建織金

九龍綺丹旒於

宮門外之左旒懸以竿承以座竿及坐皆槩以黃
日以工部內務府廣儲司營造司司官各一人
守之每日暮下旒廣儲司官恭奉內務府總管
一人率至

宮門授宮殿監督領侍等首領內監一人接受奉
入設

几筵左側次日黎明宮殿監督領侍等率首領內監奉
出至

宮門外授內務府總管廣儲司官接受升懸至暮
仍送進如前○

列后丹旒用織金九鳳綺建於

宮門外之右暮則陳於

几筵右側餘皆同

金棺以下皆織金丹旒竿座各如金棺損輦之色
由司官送至

宮門授內監奉進餘如前

凡奠獻朝夕奠設肴饌筵一計槃十有五羹飯
椀各一饌筵下設承案一左右設几二陳熟牲
午奠設果實餅餌筵一餘並同午奠以正午朝
夕奠隨月令之氣候以為制恭理喪儀王公大

臣內務府總管率尚茶尚膳正尚茶尚膳人員
內管領掌儀司官等執事屆時舉饌筵至

宮門皆辦內監啓門衆皆舉哀恭理喪儀王公大
臣內務府總管率尚茶正尚膳正舉承案尚茶
副一人舉茶几尚茶奉茶筭茶碗尚膳舉肴饌
案牲几羹飯內管領舉奠盆奠几掌儀司官奉
壺爵以次進至

几筵殿前尚茶尚膳正進承案由中門入陳於

几筵前迺進茶几尚茶奉茶由中門入跪奠於茶几退

行一叩禮進前舉茶出酹於門外階上尚茶副

徹茶几各退尚膳舉饌案奠於承案設牲几於

兩旁尚膳正進羹飯於饌案畢由右門退出用如

尚茶尚膳內監則由

殿門授受奠獻如儀

內管領進奠几於正中

如親祭酒設於

殿內正中進爵大臣進

爵如

皇子大臣祭酒設於丹陛正中掌儀司

官進

祭酒行禮畢徹奠几進爵大臣舉奠盆酹

爵

掌儀司官

酒畢尚膳正等入

殿徹饌奠几前行次饌案牲几次茶几承案以次
出恭理喪儀王公大臣內務府總管隨後出哀

止內監闔門

遇元正仍奠獻惟內外輟哭一日

列后喪三大節皆輟哭

列后几筵前奠獻用女官恭理喪儀王公大臣內務府
總管率尚茶尚膳進至二門授內管領妻尚茶

尚膳女官率婦女進奠午奠饌筵內監進奠如

親臨祭酒奠几壺爵授內監惟恭理喪儀王公大臣

內務府總管引入○

妃嬪以下喪儀如

皇子祭酒內務府總管率入內管領進奠几於

殿內掌儀司官進爵酌酒餘皆內管領妻率諸女
官婦女奠獻內管領妻祭酒於

殿外階上女官進爵酌酒內務府總管掌儀司官
於二門下監視

凡祭日內監陳冠服於

几筵工部張黃幕於

宮門外之右東嚮內管領設反坫於黃幕正中廣

儲司官陳尊壘掌儀司光祿寺陳牲二十七及

環餅飴餌於反坫兩旁前列酒尊四十

皆內務府光祿

寺官將事饌筵羊酒各

按品位遞減詳見禮部

禮部內務府光祿寺堂

官立幕下皆東嚮內務府總管率內管領所屬

人員由左右門豫進隨筵七十九席列於

几筵殿外丹陛兩旁各加牲體

夏月每筵隨瓜一筐

次率尚茶尚

膳正內管領等豫進承案稍前設餅餌饌筵於

几筵殿內皆北嚮積楮帛於燎位設奉安冠服牀於前
屆時啓

宮門進茶進饌奠獻如儀讀文祭酒舉哀行禮畢
迺徹饌以次出內管領舉奠几至燎位立於右
俟陳冠服於牀迺進奠几於牀前正中南嚮祭
酒行禮酌酒畢各退內務府總管同宮殿監督
領侍內監等視燎畢率內管領所屬由左右門
入徹饌筵及兩旁隨筵出

凡臨喪

皇帝親臨

皇祖

皇考太妃之喪內監進奠几於殿內北嚮內監跪進爵
皇帝跪祭酒行三拜禮餘皆左旁設榻內監進奠几
西嚮衆皆跪內監跪進爵

皇帝坐祭酒不行禮衆仍行一叩禮致祭日如

皇帝親臨由內務府豫進儀注

凡果園徵收

南苑五園各給地一頃十有九畝別給贍家地各二頃十畝歲納桃李不徵地賦

盛京百三十六園給地自七十畝至二頃十畝

畿輔置百四十八園地自一頃至五十頃每園設園長一人徵收之法以丁計者丁給地三十五畝歲徵銀三兩家不過六丁如有餘丁止編名入籍地不增給丁不起徵以地計者投充果園

每畝徵銀五分新增果園每畝徵銀一錢通計
地千頃四十畝有奇丁千二百六十賦九千二
百三兩有奇完欠以十分定殿最覈功過偶有
水旱偏災蠲賦與會計司糧莊同歲納時果按
其直以抵丁賦不準抵者與雜徵同○各園貢
果及由司置備之乾鮮各果均貯內果房設未
入流掌果二人署掌果二人司果執事十有二
人專司出納歲委司官二人筆帖式二人經理

以供

內廷之用其由司置備之果即支丁賦和買均於
歲終奏銷

畿輔果園各選三人為承催免其身及子孫一人
丁賦

盛京設筆帖式一人催長一人領催三人副領催
三人廣寧設催長一人領催三人均隸

盛京內務府總管三旗佐領闕則依次選補各園

充補園長及三年一次編審均與會計司糧莊
同

凡內監品級及升降黜陟據宮殿監督領侍來
文呈堂移咨吏部

官學

凡學舍景山六學清書漢書學各三萬善殿漢
書學一咸安宮十有六學清書學四漢書學十
有二

凡教習滿教習簡選八旗之善於書射者充補
漢教習景山及萬善殿官學於舉人貢生咸安
宮官學於進士舉人考選充補均三年期滿引
見咨送吏部

凡官學生景山官學選內府三旗幼丁每滿洲
佐領下八名旗鼓佐領下四名內管領下六名
萬善殿官學選幼年內監無定額咸安宮官學
於八旗及內府三旗貢監生員及官學生內選

其秀者每旗不過十名

凡考校滿漢教習各以時訓課毋或曠廢景山
官學每三年咸安宮官學每五年一次奏請
欽命大臣考試考列優等者引

見以筆帖式庫使錄用未錄用者分別獎賞劣者黜
之

藥房

凡合藥醫生十名召募合藥民醫生二十名

凡合和

御藥由藥房官會同太醫院醫官敬謹監視

凡藥料由太醫院醫官詳驗擇其佳者送藥房
備貯

凡奏銷每歲伏暑設暑湯除夕進蒼朮及隨時
所用藥味均三月一次具奏人參無定額每次
酌量斤兩奏請備用用畢以某人某月日患某
症服參若干繕冊進

呈如前奏請於廣儲司茶庫支領

欽定大清會典卷九十

欽定大清會典卷九十一

內務府

都虞司

凡內府三旗之制護軍營鑲黃旗正黃旗正白旗護軍統領各一人護軍叅領各五人副護軍叅領各五人護軍校委署叅領各三人護軍校各三十三人護軍委署護軍校各五人護軍共

千有六十五人○前鋒營前鋒校委署叅領各
二人前鋒校各二人前鋒委署前鋒校各二人
前鋒共百十有四人○驍騎營掌關防叅領三
旗各五人以司官兼攝副叅領各五人滿洲佐
領各五人旗鼓佐領各六人正黃旗朝鮮佐領
二人驍騎校正黃旗十有三人鑲黃正白二旗
各十有一人共領催百四十人三旗三十內管
領下共領催百二十人驍騎五千二百五十人

均隸於內務府總管由司掌其升選僉補及咨行俸餉之事

凡

圓明園三旗之制四品營總一人護軍叅領副護軍叅領護軍校委署叅領旗各一人護軍校各三人護軍共百二十人由

圓明園總統王公大臣掌其升選僉補仍隸於司
凡

盛京三旗之制佐領各一人驍騎校各一人司庫
二人主事一人筆帖式十有六人催長一人領
催十有八人庫使十有六人頭目及執事人六
十七人委署領催之驍騎六十人驍騎六百四
十八人均隸

盛京內務府總管仍由司掌其升選

凡軍器內府三旗護軍準兵部奏定日期由內
務府總管察驗官員各隨本旗由兵部暨

欽命之王公大臣察驗

凡訓練內府護軍驍騎歲以春秋二季由該管
官督率操演前鋒營隨時練習賞罰各有差
凡宿衛

大內宮禁以內府護軍統領內管領護軍叅領護
軍校次以護軍叅領護軍校次以驍騎叅領

紫禁城內外重地以護軍叅領散秩官護軍校驍
騎校餘以各佐領內管領下之有頂帶領催率

驍騎分班直宿其合護軍驍騎步軍及三旗服
役人鑾儀衛校尉別立班次者曰防範兵專司
戒火

凡導引扈從

車駕出入

躬祀各

壇

廟以護軍校二人庫使七人護軍二十一人擎執引燈

以庫守二十人護軍二十人於

午門外設鐙以庫守十人護軍十人於

堂子街門內外設鐙均委司官護軍叅領護軍校專司稽察○

皇太后

皇后

妃

嬪出入以內務府總管或散秩大臣一人司官八

人內府護軍統領一人護軍叅領四人護軍校
十人率護軍豹尾班執槍者十人佩儀刀者十
人翊衛護軍百人導引扈從公主

皇子福晉出入內府官護軍叅領護軍校護軍導
引隨從各有差

凡畿輔

行宮京東七處京西四處京北六處口外十有三
處各設千總自一人至七人委署千總自一人

至十有二人兵自四人至二百七十一人有差
分隸湯泉盤山黃新莊熱河各總管管轄
凡稽察

壇

廟祭祀齋戒以司官二人

御殿賜茶以司官護軍校各四人護軍三十人各執
事三十人監領俸餉每旗以叅領佐領驍騎校
內副管領各一人管安河橋豐益倉歲以司官

內管領各一人稽察內管領下服役人每月以
司官四人若典守工程帑項及慎刑司起解犯
人應用八旗綠旗官兵均由司呈堂轉咨兵部
撥給

凡捕牲鳥喇官弁總管一人翼領二人驍騎校
七人筆帖式七人副驍騎校七人領催三人委
署領催十有一人管理虞人採捕之事弓匠鐵
匠各一人

凡虞人地賦新舊牲丁共二千三百八十有二
丁賦四千四百八兩七錢地千七百七十二頃
二十四畝地賦八千八百六十一兩各有奇

凡採捕捕牲烏喇珠軒各歲納東珠十六顆參
丁每丁納人參七兩五錢蜜戶每丁納蜂蜜七
十斤

盛京牛莊諸處網戶每丁納魚五百斤鷹手每丁
納雉百狐戶每丁納狐皮四張蜜戶每丁納蜂

蜜五十斤王多羅樹獵戶每丁納野豕二鹿腊
九十束水獺戶每丁納水獺皮四張鸛戶每丁
納鸛翎十有五副漁戶每丁納細鱗魚五十尾
密雲縣槍手每丁納鹿二鷹手每丁納雉一百
有十薊州蜜戶每丁納蜜四十斤永平府蜜戶
每丁納蜜六十斤張家口鷹手每丁納雉百冷
口鷹手每丁納雉百有六其

畿輔各州縣投充壯丁及以地來投之鷹手鵠鶉

戶狐戶雀戶鵠戶野鴨戶所納鷹鷂諸物各如
應用之數無定額東珠人參及水獺狐皮交廣
儲司蜂蜜交內管領鶴翎交武備院鷹鷂海青
交鷹鷂房餘交尚膳房均按則折銀準抵正賦
凡雇車恭遇謁

陵

巡幸計內府所屬應用車數行順天府和雇按日給
費以行程駐

蹕及輜重回空為差由府屬扈從官沿途稽察

凡官馬內府三旗護軍營共養官馬四百六十
三匹前鋒營百三十二匹驍騎營九十九匹分
給官兵各支馬乾銀牧養○

盛京聽差馬三羣羣各五十匹各設牧長一人牧
丁六人歲無倒斃牧長以下均給賞倒斃六匹
以上議罰各有差

凡府屬公文均由司轉發兵部齎送

慎刑司

凡處分內府所屬文武官員遇有議處之案皆
依吏部兵部例定議

凡審讞內府所屬人犯罪在杖一百以下者依
刑部律例議結杖一百以上及旗民交涉之案
槩送刑部定擬如遇首告機密及事干職官者
請

旨推鞠

凡奉

特旨交司及由府奏準審理之犯罪應死者會同三
法司覈擬由府主臺具題得

旨交刑部依原題治罪

凡軍流徒罪折枷及本罪應枷之犯皆送刑部
枷示滿日仍由司責放

凡發遣人犯應發黑龍江寧古塔者咨兵部應
發雲貴川廣煙瘴等處者咨刑部應發捕牲烏

喇者移都虞司應發各莊屯安置者移會計司
皆呈堂轉發其安置莊屯之犯身故後妻子願
回京者聽

凡律例於吏兵刑部咨取刑具於刑部取用屍
傷會刑部司官檢驗

凡監禁除奉

旨收禁人犯外其情罪重大者職官請

旨收禁無職人即行收禁按其情罪加以縲紲撥官

兵防守女犯別置一室皆日給薪米夏給冰塊
病給醫藥一如刑部之制

凡清理贓贖內府人犯應追還官入官等贓及
收贖納贖諸餒追繳廣儲司庫

凡內監私逃按其次數分別自首被獲治以枷
責發遣之罪

營造司

凡巡視

皇城歲簡本司員外郎與直年步軍協尉分班輪
直掌修城垣肅清街道

凡恭遇

車駕出入

皇太后

皇后

妃

嬪出入均移咨步軍統領工部街道廳先期清

驛司屬內監謹備步障

凡匠役均有定額內府所屬人在官執藝者於
佐領內管領下選取召募民匠於工部咨取分
隸於司六庫及諸作長以庫掌承以庫守又設
司匠領催以督率之均月給銀米闕則取補情
則革除

凡修造

紫禁城內工程小修大修建造皆會工部

大內繕完由內監匠人

皇城牆垣有應修理者奏交工部均由欽天監諏
吉興工

宮殿苑囿春季疏濬溝渠夏月搭蓋涼棚秋冬
禁城牆垣芟除草棘冬季掃除積雪均移咨工部
及各該處隨時舉行○府屬公廨館廨及官用
器物有應修造者據各該處咨文修理成造按
則報銷

凡直殿及營繕內監

太和殿

中和殿

保和殿

文華殿及內造匠作各設首領內監副首領內監
內監各有差首領內監關於內監遴選充補內
監闕移咨掌儀司撥補均由司領月費歲給裘
帽悉如定制

凡徵輸石灰煤炭設灰丁煤丁炭丁每丁地三十五畝草子匠每匠地四十二畝坐落大宛昌平等州縣各設千總二人把總四人董之又設外郎四人專司簿籍免其本身丁賦○灰丁五百三十一人草子匠八人計地百八十九頃二十一畝應徵銀九百四十六兩有奇歲納青白灰每萬斤準銀十有一兩二錢五分包金土每千斤準銀三兩餘銀徵交廣儲司庫○煤丁五

百三十五人草子匠三人計地百八十八頃五
十一畝應徵銀五百六十五兩有奇歲納煤每
萬斤準銀十有六兩五錢餘銀徵交廣儲司徵
草萬八千八百五十一束交會計司分發各廐
○炭丁五百二十八人計地百八十四頃八十
畝應徵銀五百五十四兩均納白黑炭每白炭
千斤準銀十兩五錢黑炭千斤準銀三兩三錢
有奇徵草萬八千四百八十束交會計司同○

官三倉歲需筐筥之屬令各丁分納均抵正賦
凡長夫除官員執事人護軍驍騎及工匠服役
人等不編夫外內府三旗佐領下每十有六丁
編長夫一名內管領下每八丁編一名共計長
夫二百五十八名每夫月徵銀二錢一分有奇
歲徵銀六百七十三兩有奇

遇閏
加增以備

紫禁城內外及

行宮運送物材雇覓人夫之用

凡徵賦考成以十分為率編審軍丁以三年為期其法並與會計司同

凡官給印票昌平州炭丁歲給票三百出大水峪河防口外伐木燒炭

盛京匠人歲給票八十有四出口外伐取木槽箭杆均由司呈堂轉咨戶部給發並限次年繳銷

陳票

凡支取官物內府祭祀焚帛應用蘆葦楊木柴

造辦應用物材各公廨應用器皿內外牛羊各
廐圈應用牧具均由司呈堂於戶工二部及廣
儲司官三倉支領

凡奏銷各司領取工部物材器具均造冊送司
月要其數與工部同日具奏本司歲支工部柴
薪煤炭及徵收各丁本色折色計一歲所用及
見貯若干並於五月內覈明題銷

凡入官房舍由司召民賃住歲收其直以供六

庫及諸匠作採買物材之用歲終題銷

慶豐司

凡牧所定額設內三圈於

西華門外養扇牛十有二牯牛六牝牛三青牛一

乳牛無定數視用乳之多寡為增減設外三圈
於

南苑養扇牛八乳牛同內圈又專供乳餅之乳牛
百別為一圈設六圈於豐臺養殺羊千有八百

一等者六百二等者千二百牝羊四十烏朱穆
秦羊二十設牛羊牧羣於張家口外養牛三萬
以百二十為一羣羊二十一萬以四百為一羣
設羊羣百有十於達里岡崖每羣以五百為率
設牛羣五於養什木每羣養扇牛五牝牛五乳
牛九十各牧所牛羊均由該管官烙印○內圈
牧數不足則取諸外圈外圈牧數不足則取諸
張家口外牧羣有老羸不堪畜養者並歸口外

牧放

凡典牧

京城內外牛羊各圈共設廐長十有三人廐副二
十五人廐丁百八十五人司芻服役三十九人
壯丁十有四人司菽壯丁六人壯丁頭目一人
張家口外牛羊牧羣總管一人副管二人効力
筆帖式二人牛羣協領三人委署協領六人筆
帖式六人牧長六十人牧副六十人牧丁三百

六十人羊羣協領三人委署協領六人筆帖式
六人牧長百五十人牧副百五十人牧丁九百
人達里岡崖羊羣協領一人委署協領二人筆
帖式二人牧長五十人牧副五十人牧丁二百
人隸張家口外總管管轄均由司咨行俸餉養
什木牛羣牧長一人牧副一人牧丁十人隸
盛京將軍管轄均由司咨行俸餉

凡供用

壇

廟祭祀供黝牛

大內四季敬

神供金牛

奉先殿及

皇城

紫禁城城隍諸祀供餼羊

內廷尚茶尚膳供膳羊乳酪乳餅

皇子公主婚嫁供禮羊每年馬羣出牧及由京補授游牧察哈爾之官校犒賚牛羊均由內外各牧所如數供奉

凡芻菽歲由各廐長約計應用之數冊呈本司由司移會計司令各

皇莊供給不敷於戶部支領或動帑採買芻計束菽計升按日給發牛以供用備用羊以一等二等為差游牧各羣不給芻菽

凡出牧歲以三月十五日後四月初一日前均
於

南苑寬閒豐草之地牧放停給芻菽以九月二十
五日後十月十五日前各歸原圈飼養內圈牛
及烏朱穆秦羊不令出牧

凡支領官物煮豆給煤炭夜給鐙油伏暑給冰
塊造乳餅給布口外取送牛羊給路費出牧給
帳房圍圮給修理之貲及牧養所須諸器物均

由各廐長報司移文各該處給領

凡勸懲內外各圈視牛犢斃損之多寡以別功過游牧諸羣每三牛三年孳生一犢三羊三年孳生二羔於定數內闕少者治罪定數外孳生者由該總管奏

聞

凡交納官物牛皮羊毛交武備院羊皮及牛羊變價銀交廣儲司庫均無定數惟游牧總管歲

交牛皮八百小牛皮二千犢皮二百○張家口
外牛羊羣達里岡崖羊羣每羣給牡馬一牝馬
二閱三歲各納駒一○游牧處報墾地畝歲徵
米二百五十石附納於宣化府萬全縣倉

凡奏銷每年內外十三圈牛羊出入之數以次
年之二月游牧各羣孳生牛羊以該總管具奏
得

旨後一月內各由司具題覈銷



欽定大清會典卷九十一



總校官候補中書臣吳紹潔

校對官編修臣莫瞻菴

膳錄監生臣周元濬

膳錄監生臣汪承泰

欽定四庫全書薈要

史部

欽定大清會典卷九十二



詳校官編修臣繆晉

欽定大清會典卷九十二

內務府


上駟院

兼管院事大臣

特簡
無定員

卿二人掌羣牧之政

所屬左司郎中一人侍衛員外郎各二人主事
一人掌均齊賞罰右司侍衛員外郎各二人主
事一人掌俸餉芻菽堂主事二人掌章奏文移



筆帖式二十五人分隸堂司掌繙譯○侍衛二十一人掌侍直內八人兼試

御馬司鞍長二人司鞍八人司轡二十人○

皇子每位司鞍二人司轡八人掌服駕

凡圍牧設內廐於

皇城外廐於

南苑設牧羣於

盛京及張家口外以畜馬蕃庶籍其數而頒之○

內廐

御馬副馬川馬各一廐均無定數仗馬一廐七十匹公馬五廐廐各二百附橐駝十匹駕車馬二廐廐各馬五十羸五十匹○外廐

御馬內馬

備充

御馬之選及皇子乘騎

凡六廐內飼馬

備取漣

一羣騰馬四牝馬三十有六餘無定數安河公馬一廐二百匹○又應差巡羣馬二百十匹附各廐○大凌河北馬二十四羣扇馬十羣每羣

附駝三匹○張家口外上都達布遜諾爾牝馬
百三十四羣扇馬二十四羣扇駝六羣達里岡
崖牝馬六十羣走馬一羣牝駝十有六羣烏良
海牝馬三羣○各牧羣每羣馬自二百匹至五
百匹駝自百匹至二百匹有差

凡典牧設牧長五人副牧長五人牧副十人牧
丁百名內外廐每廐設廐長一人廐副二人川
馬廐以公馬廐長兼轄廐丁二十人草夫自十

有四人至四十四人有差凡五百八十六人內
百總六人外郎十有四人駕車馬二廐各設驍
騎四十人○大凌河牧羣設總管一人翼領二
人効力筆帖式二人每羣牧長一人副牧長一
人牧副一人署牧副一人在牧丁數內扇馬羣牧丁
各二十人牝馬羣各十有五人○上都達布遜
諾爾牧羣總管一人兼轄達里岡崖牧羣副管一人翼領
五人署翼領九人筆帖式七人効力筆帖式三

人達里岡崖牧羣翼領二人署翼領三人効力
筆帖式二人每羣皆牧長一人止都達布遜諾
爾每扇馬羣牧副二人餘羣皆一人牧丁每駝
羣十人馬羣七人

凡捍牧官兵上都達布遜諾爾牧羣設防禦三
人驍騎校二人護軍校十有二人兼充牧長護軍三

百四十五人內以二百八十人兼充牧丁達里岡崖牧羣防

禦一人驍騎校一人護軍校三人兼充牧長護軍百

人

內以四十人兼充牧丁

司巡羣緝匪如馬駝有被竊者

論如法

凡考牧內外各廐院卿歲一按視各牧羣每三歲由總管申院奏遣堂屬官二人往驗牝駝羣間六歲奏遣所屬官一人往驗亦如之各具息耗實數以

聞惟苑廐厠馬歲閱積三歲具奏不議賞罰其餘疲瘠斃損及孳生各計其數以賞罰廐牧長副有

差內外廐疲瘠之數於百匹內計多寡一二匹
議賞三四匹免議五六匹罰責游牧羣同六匹
以上及游牧羣五匹以上皆議賠斃損之數內
外廐合較分數少數平數多為三等以定賞罰
上都達布遜諾爾達里岡崖牧羣賞罰與內外
廐同大凌河牧羣及上都扇駝羣以百匹計自
一匹至四匹五匹至八匹皆議賞十匹至十二
匹免議十三匹至十六匹以上皆罰責上都達

布遜諾爾達里岡崖每三歲牝馬三匹額生駒
一大凌河每三歲牝馬五匹額生駒二扇馬合
羣馴養之牝駝及達里岡崖駝羣每六歲牝駝
五匹額生駝二各牧長牧副孳生馬浮額百六
十匹以上八十匹以上一匹以上闕額百匹以
上五十匹以上一匹以上孳生駝浮額闕額二
十一匹以上十有一匹以上一匹以上均分為
三等賞罰有差總管副管合計所轄各羣原數

以多五百匹為一分闕二百匹為一分依分數
以議賞罰上都翼領賞罰如之餘翼領合所轄
馬駝作十二羣計之以各羣之賞罰多寡為賞
罰賞罰均者免議

凡出牧歲四月朔以內外廐公馬四百匹就草
張家口外限九月望回廐豫月奏遣侍衛二人
率廐長廐副經理出入

南苑六廐巡羣馬以九十匹捫馬全羣即

南苑就草出入期如之大凌河牧羣歲四月朔始
迄九月底以扇馬牝馬全羣就草均典牧官掌
其出入之事

凡供直馬日以内廐

御馬四齊其毛具鞍轡立院門外

行幸駐蹕以

御馬六立園門右如之直班侍衛司鞍司轡咸侍

恭遇

車駕巡幸日以十馬備

上乘御由掌御馬大臣奏請於

御馬內馬內簡其尤良者以從其需用駕車馬公
馬及橐駝之數附疏以

聞由院奏遣卿及侍衛各一人掌御馬侍衛一人沿
塗監視支放馬駝芻菽若扈

蹕之尚茶尚膳各執事官役及內監所乘之馬由所
司行院如數以公馬撥給回日繳院不足具數

奏行兵部以八旗官馬撥給

皇子出行撥給官役應乘公馬如之

凡稠馬歲春秋二季禱馬於

神繫絳帛於御馬鬣尾以為識凡三十匹大凌河扇馬

羣繫青帛者三十匹牝馬羣繫絳帛者千三百

匹青帛者百七十六匹仗馬廐附養四色馬四

十匹

堂子青馬

天命黑馬

今祭

香初黃馬蒙古花馬於神前繫記

堂子率以十匹詣

神前受釐繫綠帛亦如之

凡用馬歲四孟月敬

神用青白馬二

皇子婚禮薦幣以馬既婚迺給乘馬

公主釐降薦幣以馬駝生子彌月以馬充賞分封
王貝勒貝子給馬駝公給馬直省將軍都統副
都統督撫提鎮入

覲各錫馬朝鮮國使臣來朝如之均由所司行院於

公馬中選其良者給用

凡貢馬蒙古歲貢馬駝由理藩院具奏送院

欽命掌御馬大臣侍衛視選不入選者罷還之其選受者行廣儲司如例給賞駝發內廐馬發

南苑六廐芻秣索倫貢馬選取給賞亦如之歸化城兩旗蒙古歲貢馬喀爾喀澤卜尊丹巴胡圖克圖歲貢馬駝陝西岷州各寺番僧歲貢馬均由理藩院咨送發各廐芻秣其發

南苑貢馬掌御馬大臣率本院侍衛詣廐盤試辨御馬內馬公馬之屬疏其等以

聞

凡汰補馬駝御馬之不馴者汰入公馬廐疲瘠病斃應補者

上乘御馬闕以內廐御馬補內廐御馬闕以外廐御馬補外廐御馬闕簡內馬之良者奏補仗馬及祭

神受釐四色馬闕行取大凌河良馬充補川馬闕行崇
文門稅務駕車羸闕行戶部轉行左右翼稅務
各監督買補駕車馬闕以公馬補公馬及應差
巡羣馬闕彙數行各牧羣總管

盛京應差馬闕由內務府行院轉行大凌河總管
各如數撥補

凡公使乘騎大臣應乘馬十侍衛六筆帖式四
廐牧長各五廐牧副各三廐丁牧丁二人共馬

三均於公馬中撥給廐長記所給馬數於冊月
申院卿每三月卿彙數以

聞行該管官覈對其馬有塗次病斃者歲終彙數奏
銷如調習失宜致疲瘠及遺失者牧人鞭責議
革

凡馬駝皮革

京師各廐所出用左司印記交武備院每月彙數
咨覈上都達布遜諾爾達里岡崖牧羣由總管

咨張家口稅務監督大凌河牧羣由總管咨錦
州城守尉送院各以皮革轉交武備院覈收
凡芻菽

京師各廐所需黑豆穀草均令各莊輸納倉米行
會計司呈堂轉行戶部羊草行奉宸苑各如數
支取如豆不敷用於戶部支取如之猶不敷用
由院委官彙計實數行會計司轉行廣儲司支
銀和買穀草不敷用由院和買如之豆米穀草

歲於季秋羊草於季冬各豫計一年應用之數
行取分給各廐廐長月三次以馬駝增減之數
報院歲終彙具已用見存芻菽各數行會計司
覈銷大凌河所需芻菽每歲季秋由院行會計
司轉行

盛京所屬各莊輸納

游牧羣芻菽由各總管掌其支取之事

凡巫馬設醫長蒙古二人醫師蒙古十有八人
癩醫六人獸醫漢十有六人主治馬駝之疾由

院行所司支取藥物諸醫受而治之歲終會計
於次年二月奏銷

凡本院官升除郎中員外郎主事員闕移內務
府應升人員內上駟侍衛移領侍衛內大臣簡
送左右司侍衛於上駟侍衛內掌試御馬侍衛
於上駟侍衛司鞍長司鞍司轡內司鞍長於司
鞍內司鞍於司轡內司轡於散司轡領催廐丁
牧丁及三旗親軍內府護軍內

南苑廐長於各廐長牧長內各廐長牧長於副牧
長內副牧長於廐副牧副內廐副牧副於司轡
散司轡領催廐丁牧丁內各遴選引

見補授筆帖式員闕行內務府籤掣送補

皇子司鞍司轡於廐丁牧丁內簡補醫長醫師移
八旗獸醫移禮部轉飭五城各簡送充補癩醫
於廐丁牧丁內簡補廐丁牧丁移內務府於壯
丁內駕車馬廐驍騎行都虞司於驍騎內各簡

送充補各廐百總以草夫充補草夫以草夫本
戶子弟充補○各牧羣總管員闕於內務府司
官本院侍衛司官內由院簡選引

見補授上都副管於翼領內翼領於署翼領內大凌
河翼領於牧長內牧長於副牧長內副牧長於
牧副內牧副於署牧副內均由各總管簡送由
院引

見補授上都署翼領於蒙古筆帖式牧長內牧長於

牧副內蒙古筆帖式及牧副於牧丁內牧丁於
牧丁子弟內均由總管簡補大凌河署牧副於
牧丁內牧丁於義州錦州駐防各兵丁子弟內
由總管簡補効力筆帖式由牧丁充補者三年
期滿由候補人員充補者一年有半期滿總管
保送由院轉行內務府以筆帖式補用○各牧
羣防禦員缺由總管於驍騎校護軍校內簡選
驍騎校護軍校於護軍什長內簡選均送院引

見補授護軍由總管於牧丁內拔補

奉宸苑

兼管苑事大臣

特簡
無定員

卿二人掌苑囿之政

所屬郎中二人員外郎四人主事一人分管苑

囿諸事筆帖式十有六人○

南苑郎中一人員外郎二人主事一人

暢春園郎中一人○

圓明園兼管大臣

特簡
無定員

協理二人

或郎中或
員外郎

主事一人○

清漪園兼管大臣

特簡
無定員

員外郎一人○

靜宜園員外郎一人○六品苑丞十人七品苑丞
五人七品苑副十有六人七品庫掌一人八品
苑丞十有七人八品苑副二十三人未入流苑
丞十有三人未入流苑副三十人筆帖式三十
九人分置

禁苑各供典守○稻田場六品庫掌一人筆帖式
三人未入流催長一人掌徵收銀穀

凡稻田玉泉山十有五頃九十七畝供

上方玉粒餘田三十六頃三十六畝歲徵銀二千
四十三兩旱地九頃三十一畝歲徵銀二百二
十九兩各有奇其

御河三海諸處歲各有蓮藕之租均量地薄徵以
供

內庭蒔植花卉之用餘交廣儲司庫

凡

京城內外河道橋牕均由苑經理督率牕軍隨宜蓄洩

凡苑園亭臺池沼林麓船塢均由苑隨時稽察應修理者即為葺治動帑金至五十兩者奏

聞興工各

禁苑所設之園戶園丁及執事人役均由苑於內府三旗人丁內選補

凡網戶沙河二十六人霸州四十六人江南六

人霸州網戶江南網戶歲給銀米有差

凡升降苑丞庫掌員闕由苑及各該處簡選應
升人員引

見補授未入流苑丞苑副催長闕由苑簡補筆帖式
員闕由內務府掣籤補用

織染局

管局大臣及兼攝局務之司官均奏請

簡用

無定員

司庫一人筆帖式三人庫使六人司匠二

人領催六人

凡繒幣先擬色樣奏準如式織造歲以三節進
呈

凡物材絲移浙江布政使司解送顏料由戶工
二部支取均歲終造具清冊送戶部覈銷

凡靛戶百人各給地二十四畝每戶歲輸藍靛
百斤除供染外餘靛折徵銀納廣儲司庫

凡匠役八十二人三織造選送十有二人餘由
局募民充補各給以工食房屋

凡蠶戶十有三人各給以工食衣服房屋

武備院

兼管院事大臣

特簡
無定員

卿二人掌供

御用武備製造兵仗郎中一人掌章奏及庫帑出納
主事二人掌文移所屬四庫各設員外郎二人
庫掌二人未入流庫掌二人筆帖式二十八人
庫守五十九人○司函長一人司函六人司弓
下五旗司弓
五人並隸焉司矢各三人掌
御用甲冑弓矢掌蓋三人掌擎

御蓋司幄三人掌

御幄帳殿司匠七人分掌各作匠役成造器物

凡扈從

乘輿恭遇

親祭

壇

廟以司弓司矢各一人奉

御用弓矢橐鞬隨侍左右

巡狩方岳及

大閱軍旅先期奏請以

御用甲冑從並繪帷宮帳殿幔城網城圖呈

覽卿一人管領輜重咨取護軍叅領張設城幄

凡

御蓋

皇帝御太和殿受朝設黃綺繡九龍三檐曲柄華蓋
以掌蓋一人執西嚮立

殿門外正中恭遇祭祀

親詣行禮掌蓋率擎蓋六人自

太和殿丹陛擎蓋出

午門外乘馬前導至

壇

廟門下馬仍導至降輦處止立

巡幸鹵簿設黃羅繪金九龍三檐曲柄華蓋掌蓋率

擎蓋六人自

殿陛擎蓋出

紫禁城門外乘馬前導亦如之

凡鞍轡鹵簿仗馬鞍十均鍍金雕龍勒繡龍黃
綺韉韉夏秋繁纓用茜朱麓牛尾春冬用青狐
尾均於換季日更易

凡設褥

太和殿

中和殿

保和殿

文華殿

乾清宮

御座各設褥春冬用黑貂夏秋用黃龍綺均於換季

日更易

凡兵仗豹尾班豹尾朱釐槍十琢龍大儀刀十
由院成造

皇太后

皇后豹尾班成造槍刀如之

紫禁城內各門給兵仗內務府總管同直班叅領
點驗交代遇有朽敝移院修整如致毀壞由院
察叅

凡採伐木材鞍版歲令古北口外鞍工採送以
百有四具貯北鞍庫六百具貯南鞍庫弓韃歲
遣司弓一人弓人族長每旗各一人弓人十名
各給官馬備四十日糧往牆子嶺採取

御用弓幹六百具官用弓幹四千六百具以二千具
貯庫餘交兵部陸續取用弓稍弓靶需用椿樹
皮庫貯者不敷用時

奏派弓匠族長一名三旗匠役各三名會兵部官
一人前往保定府屬望快等處採取矢筈由

盛京內務府總管歲採送楊木筈七千收貯糧庫
凡徵納物料象皮由光祿寺鹿麕熊豕皮由尚
膳房馬牛駝皮由牧羣隨時交納外藩歲貢薰

皮由理藩院移送均無定數張家口稅務監督
歲納牛皮八百小牛皮二千犢皮二百

盛京將軍歲納

上用皂皮十有五禮部移送朝鮮國歲貢佩刀十鹿
皮百牧場歲剪羊毛由慶豐司熟皮羊毛由廣
儲司張家口牧場歲剪羊毛由稅務監督會游
牧總管選擇運送均無定數寒羊毛行文戶部
轉行山東巡撫歲納三千斤羊羖由院採買蒙

古王公台吉歲貢鵬翎由理藩院捕戶捕取鵬翎由都虞司孔雀翎由奉宸苑等處移交鶴翎雉翎雁翎於需用時行都虞司轉飭捕戶交送盛京將軍歲納鵬鶴等翎令司矢閱驗分別等第奏

聞折賞有差牛角由牛羣鹿角鹿筋鱧鱧由尚膳房隨時交納魚鱧廣鱧於需用時行戶部支取樺皮由吉林將軍每二歲納呈樣樺皮二百片

上用樺皮四千八百片官用樺皮五千片送兵部移
交

凡採買物料歲支崇文門稅務銀千兩以五百
兩貯庫供採辦物材餘銀交廣儲司庫收貯如
庫貯銀不敷用於廣儲司庫支取歲終覈數奏
聞

凡奏銷歲將成造已用及見存之物分款覈銷
御用黃蓋乘鞍氈幄坐褥及甲冑繫鞬槍刀弓矢應

用物材均移戶部支領於次年四月繕本具題
庫貯物材於次年八月繕四柱黃冊具題餘繕
藍冊於次年九月呈結每月將支領廣儲司金
銀數目奏

聞仍各造冊移稽察內務府御史稽察

凡賞給田廬沙河糧作及司匠筆帖式領催庫
守糧工共官房三百三十間糧工頭目每名給
官地一畝二分其餘工匠各一畝均令新舊交

替牛羊牧羣牧人每羣給帳房一具間歲更易
凡俸餉掌蓋給六品俸司幄給七品俸司弓給
七品俸司矢司匠均給八品俸司函長司函由
散秩官充補者給原俸由護軍充補者給原餉
幄長月給銀四兩未入流庫掌各給三兩由驍
騎充補之幄人擎蓋均給原餉由閒散人充補
者各月給銀二兩庫守領催司弓司矢鳴鏑長
弓工矢工各應役人給銀亦如之其餘工匠月

各給銀一兩沙河鹽工月給米二斛○馬銀掌
蓋司弓鳴鏑長幄長月給銀三兩司函承應人
隨侍弓人及各應役人給銀半之隨侍矢人馬
銀限三十分擎蓋人限二十分每分與應役人
同

凡升除郎中員外郎主事闕由內務府於內府
及本院應升人員內簡選庫掌以下員闕於院
屬應升人員內各作司匠員闕於筆帖式庫守

領催內掌蓋員關於擎蓋班領內司幄司弓司
矢鳴鏑長員關於署司幄司弓司矢署鳴鏑長
內均由院簡選引

見補授擎蓋班領闕由擎蓋人內擎蓋人闕由內府
護軍驍騎閒散人內署司幄關於幄長內署司
弓司矢鳴鏑長關於各工族長內幄長關於幄
人內矢工族長關於隨侍矢人內弓工鳴鏑工
族長關於弓工鳴鏑工內隨侍矢人關於滿洲

矢工內滿洲矢工關於八旗滿洲蒙古人內漢
矢工關於內府三旗閒散壯丁內弓工關於該
旗滿洲人員內鳴鏑工關於內府三旗驍騎及
閒散壯丁內席伯鳴鏑關於八旗席伯教養兵
內幄人關於該旗驍騎內糧工關於各工子弟
內其餘工匠闕均於該旗閒散壯丁內各簡選
充補領催關於庫守各工頭目及幄人應役人
內簡補內監領催闕行掌儀司撥補內監釘工

闕亦如之



欽定大清會典卷九十二

欽定大清會典卷九十三

鑾儀衛

掌衛事內大臣一人鑾儀使滿二人漢一人掌
乘輿供奉秩序鹵簿所屬左右中前後五所馴象一
所旗手一衛○左所冠軍使滿一人雲麾使滿
三人漢二人治儀正滿四人漢四人整儀尉滿
二人漢九人掌輦輅○右所冠軍使滿一人雲

麾使滿三人漢一人治儀正滿三人漢三人整
儀尉滿三人掌繖蓋儀刀弓矢槍及戟○中所
冠軍使滿一人雲麾使滿三人漢一人治儀正
滿三人漢三人整儀尉滿二人漢二人掌麾麾
旛幢纛幟節鉞仗馬○前所冠軍使滿一人雲
麾使滿三人漢一人治儀正滿三人漢五人整
儀尉滿二人漢二人掌扇拂鑪合盃槃几倚星
御仗引仗授薦靜鞭品級山○後所冠軍使滿

一人雲麾使滿三人漢二人治儀正滿三人漢

三人整儀尉滿二人掌旗爪吾仗○馴象所冠

軍使滿一人雲麾使滿三人漢一人治儀正滿

三人漢二人整儀尉滿一人漢一人掌儀象騎

駕鹵簿饒歌前部大樂○旗手衛冠軍使滿一

人漢一人雲麾使滿二人治儀正滿一人漢二

人整儀尉滿一人漢二人掌金鉦鼓角饒歌大

樂○贊鳴鞭八人

於滿冠軍使以下各官內委用

○陪祀冠軍

使漢二人主事滿一人經歷漢一人筆帖式十人

凡鹵簿

皇帝大祀

南郊乘

玉輦陳

大駕鹵簿前列導象四民尉二十八人次寶象五民尉八十人雲麾使一人治儀正二人次靜鞭

四民尉十有四人治儀正一人次前部大樂大
銅角四小銅角四金口角四和聲署史十有二
人次革輅駕馬四民尉三十二人木輅駕馬六
民尉三十二人象輅駕馬八民尉三十四人金
輅駕象一民尉四十四人玉輅駕象一民尉四
十四人雲麾使一人治儀正二人次饒歌大樂
金二金鉦四鉦二鼓二點二籥四雲璈二管二
笙二金口角八大銅角十有六小銅角十有六

金鉦四紅鐙二畫角二十四搥鼓二十四紅鐙
二遂十有二拍版四仗鼓四金二搥鼓二十四
紅鐙二署史四十八人民尉百八十八人冠軍
使一人整儀尉二人次引仗六御仗十有六吾
仗十有六立瓜十有六臥瓜十有六星十有六
鉞十有六出警入蹕旗各一旗尉九十人民尉
六十七人五色幟四十旗尉三十人民尉四十
人雲麾使一人整儀尉二人次翠華旗二金鼓

旗二門旗八日月旗各一五雲旗五五雷旗五
八風旗八甘雨旗四民尉七十二人列宿旗二
十八五星旗五五嶽旗五四瀆旗四神武朱雀
白虎青龍旗各一民尉九十二人天馬天鹿辟
邪犀牛赤熊黃羆白澤角端遊麟彩獅振鷺鳴
鳶赤烏華蟲黃鵠白雉雲鶴孔雀儀鳳翔鸞為
旗二十民尉四十人五色龍纛四十前鋒纛八
護軍纛八驍騎纛二十四旗尉四十人人民尉百

二十人雲麾使一人治儀正二人整儀尉二人
次黃麾四儀鎧筆四金節四進善納言敷文振
武旌各二褒功懷遠行慶施惠明刑弼教教孝
表節旌各二民尉五十六人龍頭旛四豹尾旛
四絳引旛四信旛四羽葆幢四霓幢四紫幢四
長壽幢四民尉六十四人雲麾使二人治儀正
二人整儀尉二人次鸞鳳赤扇八雉尾扇八孔
雀扇八單龍赤扇八單龍黃扇八雙龍赤扇八

雙龍黃扇二十壽字黃扇八旗尉二十四人民
尉百二十八人雲麾使一人治儀正二人整儀
尉二人次赤素方纈四紫素方纈四五色花纈
二十間以五色九龍纈十旗尉三十人民尉八
十四人九龍黃蓋二十紫芝蓋二翠華蓋二九
龍曲柄黃蓋四旗尉三十人民尉八十四人鑾
儀使一人雲麾使一人治儀正二人整儀尉二
人次戟四親軍八人及四親軍八人豹尾槍三

十護軍六十人弓矢三十儀刀三十親軍各六十人雲麾使一人治儀正二人整儀尉四次仗馬十護軍二十人冠軍使雲麾使二次金方几一金交倚一金餅二金盥盤一金盃一金合二金鑪二拂二旗尉二十二人雲麾使一人治儀正二次九龍曲柄黃華蓋一執蓋武備院掌蓋司蓋四人前引佩刀大臣十人提鑪二執鑪侍衛二人

玉輦在中左右奉輦鑾儀使二人扶輦冠軍使一

人雲麾使一人治儀正二人整儀尉二人旗尉

民尉各十有八人後扈佩刀大臣二人豹尾班

執豹尾槍侍衛十人佩儀刀侍衛十人佩弓矢

侍衛二十人領侍衛內大臣一人侍衛班領二

人次後管散秩大臣一人前鋒護軍統領一人

給事中御史二人各部郎中員外郎四人侍衛

班領一人署侍衛班領一人侍衛什長二人次

黃龍大燾二領侍衛內大臣或散秩大臣一人
司燾侍衛什長二人建燾親軍四人佩鳴螺親
軍六人禮成

回鑾乘禮輿

大駕鹵簿

同

扈從大臣侍衛從官均自

午門外乘馬至祀所門外止

各祭祀同

○大祭

北郊乘

金輦陳

法駕鹵簿前列導象次寶象次靜鞭次前部大樂

次五輅與

大駕同民尉署史雲麾使治儀正數均如之次鏡

歌大樂大銅角八小銅角八金鉦四角二十四

擗鼓二十四遂十有二拍版四杖鼓四金二擗

鼓二十四

署史十有二人民尉百八十八人
間以紅鍙從以冠軍使整儀尉同次

引仗御仗吾仗立瓜臥瓜星鉞各六出警入蹕

旗各一五色幟二十次翠華金鼓門旗日月雲

雷風雨列宿五星五嶽四瀆神武朱雀白虎青

龍天鹿天馬辟邪犀牛赤熊黃羆白澤角端遊
麟彩獅振鷺鳴鳶赤烏華蟲黃鵠白雉雲鶴孔
雀儀鳳翔鸞各旗如

大駕之數五色龍纛二十前鋒纛八護軍纛八驍
騎纛二十四次麾麾節旌旛幢次鸞鳳赤扇雉
尾扇孔雀扇單龍赤扇單龍黃扇雙龍赤扇壽
字黃扇均如

大駕之數雙龍黃扇八

民尉百二十八人從以雲
麾使治儀正整儀尉皆同

次赤素紫素繖各四五色花繖十間以五色九

龍繖十

民尉六十四人

九龍黃蓋十紫芝翠華蓋各二

九龍曲柄黃蓋四

民尉五十四人從以鑾儀使雲麾使整儀尉同

次戟

父如

大駕之數

親軍同

豹尾槍二十護軍四十人弓矢二

十儀刀二十親軍各四十人次仗馬如

大駕之數

護軍同

次几倚餅槃盂合鑪拂

旗尉同

次九

龍曲柄黃華蓋

執以掌蓋司蓋同

前引佩刀大臣十人

提鑪二執鑪侍衛二人

金輦在中左右奉輦鑾儀使二人扶輦冠軍使雲
麾使各一人治儀正整儀尉各二人旗尉民尉
各十有四人後扈佩刀大臣豹尾班執豹尾槍
佩儀刀佩弓矢侍衛領侍衛內大臣侍衛班領
後管散秩大臣前鋒護軍統領給事中御史郎
中員外郎侍衛班領署侍衛班領侍衛什長黃
龍大纛領侍衛內大臣散秩大臣司纛侍衛什

長建燾佩鳴螺親軍均與

大駕同○饗

太廟祭

社稷不設前部大樂祭

堂子朝

日夕

月

耕藉饗

先農

親饗

前代帝王

先師乘

禮輿

乘禮輿則并
乘玉輦金輦餘均與

郊大祀同○

朝會

御殿陳

法駕鹵簿華蓋在

太和殿門外正中拂鑪合盂槃鉶在

殿檐東西儀刀弓矢豹尾槍戈戟在丹陛東西九
龍曲柄黃蓋翠華蓋紫芝蓋九龍黃蓋五色九
龍繖五色花繖自丹陛三成相間達於兩階階
下靜鞭仗馬在甬道東西紫素赤素繖扇及幢
旛旌節麾麾纛旗幟出警入蹕鉞星瓜仗在丹
墀東西玉輦金輦在

太和門外五輅在

午門外寶象在五輅之南饒歌大樂在寶象之南

朝象

即導象

在

天安門外從官旗尉民尉及各執事均與前同○

御樓受俘陳法駕鹵簿設丹陛鹵簿於

午門外左右兩觀下設丹墀鹵簿於

闕左右門至

端門北設仗馬於兩角樓前設步輦五輅寶象於

天安門外設靜鞭於兩角樓前夾御道左右設前部大樂於

午門下設金鼓鐃歌大樂於鹵簿之南

駕出鳴

午門鐘○

巡幸皇城內陳

鑾駕鹵簿前列御仗四吾仗四立爪四卧爪四星
四鉞四次五色幟十五色龍燾十雙龍黃扇十

九龍黃繖十

均旗尉
掌執

次九龍曲柄黃華蓋一

乘輿在中前引後扈大臣豹尾班執豹尾槍佩儀刀

如常儀○

時巡省方陳

騎駕鹵簿前列鐃歌大樂金二金鉦四鉦二鼓二
點二遂四雲璈二管二笙二金口角八大銅角
八小銅角八次御仗六吾仗六立爪六卧爪六
星六鉞六次五色幟十五色龍燄十單龍赤扇

六雙龍黃扇六五色花繖十次豹尾槍弓矢儀
刀各十次九龍曲柄黃華蓋一

御騎在中

間乘步輿

前引後扈大臣左右侍衛均佩刀屬

橐鞬豹尾班侍衛殿於後以領侍衛內大臣一
人侍衛班領二人率之次黃龍大纛領侍衛內
大臣司隸侍衛什長建纛佩鳴螺親軍均與
大駕同扈從內大臣侍衛及親軍護軍均乘馬擎
執用旗尉乘馬亦如之○駐宿

御營每朝鳴角每夕奏饒歌樂

起請

鑾前

○恭遇

大閱陳騎駕鹵簿於

行宮門外

駕出奏饒歌大樂開操時率鳴角軍鳴畫角於臺上

回鑾奏饒歌清樂○

皇太后宮陳

儀駕

均內監擎執後同

拂二金香鑪二金合二金槃一金盃

一金餅二金方几一金交倚一次九鳳曲柄黃

蓋一節二黃花繖四赤素方繖四五色九鳳繖
十龍鳳黃扇四龍鳳赤扇四黃雉尾扇四赤雉
尾扇四五色龍鳳旗十卧瓜四立瓜四吾仗四
明黃八人儀轎二儀輿二十六人鳳轎一鳳輿

一〇

皇后宮陳

儀駕同

惟旗扇繪繡
均用鳳文

〇

皇貴妃儀仗拂二金鑪合槃盃各一金餅二金方

凡一金交倚一次七鳳明黃曲柄蓋一節二明
黃赤黑花繖各二赤黑瑞草繖各二金黃赤黑
素扇各二赤黑雉尾扇各二金黃金鳳旗二赤
黑金鳳旗各二赤黑素旗各二臥瓜立瓜吾仗
各四明黃八人儀轎一儀輿一八人翟轎一○
貴妃儀仗減金黃赤黑素扇各二金黃金鳳旗二
赤黑素旗各二臥瓜立瓜吾仗各二七鳳曲柄
蓋花繖及轎輿色用金黃餘輿

皇貴妃同○

妃采仗拂二銀鑪合槃盃各一銀餅二銀方几一
銀交倚一次金黃七鳳曲柄蓋一節二金黃素
繖二赤黑花繖各二赤黑素扇各二赤黑金鳳
旗各二卧瓜立瓜各二吾仗二四人儀轎一儀
輿一金黃八人翟轎一○

嬪采仗減拂二金黃素繖二黑花繖二黑素扇二
黑金鳳旗二增金花繖二七鳳曲柄蓋色用赤

餘與

妃同

凡朝會執事

皇帝御

太和殿受朝賀及慶典筵燕先一日司稷薦官鋪
稷薦於

殿陛至日五鼓陳設鹵簿委官率校尉自禮部舁
表箋亭陳於

午門外冠軍使等官立於丹陛西階三成每成二人傳贊鳴鞭

駕出宮

午門嚴鼓鳴鐘

皇帝御殿三傳鳴鞭禮成傳鳴鞭如初○
頒詔設雲盤黃蓋於

太和殿丹陛下設龍亭引仗於

午門外

詔至三成階下承以雲盤張黃蓋出

午門載以龍亭校尉舁亭引仗前導至
天安門宣讀畢金鳳銜下仍設龍亭由
大清門出送至禮部

殿試榜舁出

長安門餘同○

御經筵講書

臨軒策士考選庶吉士御史主考

廷試博學宏辭庶吉士散館均委官率校尉執事

凡祭祀執事冬至大祀

圜丘孟春

祈穀孟夏

常雩先一日

皇帝恭閱祝版玉帛香委官率校尉舁香亭龍亭詣
太和殿蒞禮成舁至祀所

神庫安設夏日至大祀

方澤先一日設亭於

午門外俟太常官奉祝版出納於亭校尉舁至祭

所下由太常寺太廟以是日陳設鹵簿

皇帝詣

齋宮

午門鳴鐘鹵簿前導前部饒歌大樂設而不作祭

日請

神位委官率校尉恭舁

神亭

皇帝於大次前盥手以冠軍使雲麾使恭奉盥盤進
帨巾禮成

回鑾作前部饒歌大樂陳鹵簿鳴鐘如初○時饗

太廟

駕出

午門嚴鼓

回鑾鳴鐘春秋祭



社稷朝

日夕

月祭

堂子饗

前代帝王

先農

先師

駕出

午門鳴鐘陳設鹵簿盥手進盤巾

回鑾作樂鳴鐘均如前儀○謁

陵

駕出入

午門均鳴鐘

行幸出入

午門鳴鐘亦如之

凡本衛官除授掌衛事內大臣員闕由領侍衛

府以領侍衛內大臣內大臣列名疏請補授滿
鑾儀使員闕於冠軍使及一等待衛內簡選冠
軍使於雲麾使內簡選雲麾使治儀正於治儀
正整儀尉內以次簡選如選不得人移領侍衛
府簡選三旗三等待衛擬補雲麾使藍翎侍衛
擬補治儀正整儀尉於滿洲蒙古世爵及佐領
內簡選均由衛引

見補授漢鑾儀使員闕由兵部以直省提督總兵官

本衛漢冠軍使列名疏請補授冠軍使雲麾使
治儀正於雲麾使治儀正整儀尉內以次簡選
整儀尉於漢軍領催驍騎開散人內簡選均由
衛引

見補授○大計軍政屆期均由衛注考冠軍使以下
密咨兵部主事以下密咨吏部彙疏以
聞

凡軍衛儀刀弓矢戈戟用親軍豹尾槍仗馬用

護軍蒙古畫角用蒙古鳴角軍奉輦擎執各校尉由內府選充者為旗尉五城選充者為民尉奉輦旗尉百六十八人民尉六十人各執事旗尉二百四十六人民尉三百二十二人左右中前後五所民尉計千三百二十八人馴象所民尉二百有六人八旗漢軍更夫四十人

凡譙漏

神武門及鐘鼓樓每夕率校尉直更

巡幸


駐蹕率更夫直更亦如之○恭遇

大閱前夕於

行宮門前鳴角鼓鑾



欽定大清會典卷九十三



總校官候補中書臣吳紹潔

校對官編修臣莫瞻菴

謄錄監生臣汪承泰

謄錄監生臣王宮

欽定四庫全書薈要

史部


欽定大清會典卷九十四至
六

詳校官編修臣繆晉



欽定大清會典卷九十四

領侍衛府

國初以八旗將士平定海內鑲黃正黃正白三旗
皆

天子所自將爰選其子弟命曰侍衛用備隨侍宿衛
統以勲戚大臣視古虎賁旅賁氏職綦重焉

領侍衛內大臣六人

三旗各二人

內大臣六人散秩

大臣無定員掌統領侍衛親軍以先後

宸御左右翊衛侍衛一等六十人二等百五十人三等四等二百七十人藍翎侍衛九十人三旗宗室侍衛一等九人二等十有八人三等六十三人每十人各設什長一人

御前侍衛

乾清門侍衛皆無定員

於三旗侍衛簡擢隨印協理事

務侍衛班領十有二人

於班領署班領漢侍衛什長內選用

無定員

分一二三等及
藍翎侍衛同

主事一人筆帖式十有

二人貼寫筆帖式十有五人掌辦理章奏收發

文移

凡宿衛更番輪直凡六班班分兩翼各設侍衛
班領一人署班領一人侍衛三十人宿衛

乾清門

為內班

散秩大臣一人侍衛親軍十人宿衛

中和殿侍衛什長三人侍衛親軍三十人宿衛

太和門

為外班

以領侍衛內大臣一人總統之內大

臣散秩大臣二人隨班入直

行幸駐蹕宿衛一如

宮禁之制

凡扈從後扈二人於領侍衛內大臣內

簡命前引十人於內大臣散秩大臣暨統領副都統
內

簡用豹尾班侍衛於三旗侍衛內選功臣後裔六十
人日以二十人直

後左門

乘輿出入以十人執豹尾槍十人佩儀刀侍於

乾清門階下左右

駕出豹尾班侍衛殿於後以領侍衛內大臣一人侍
衛班領二人領之

駕還宮隨至

乾清門退歸直

皇帝詣

皇太后宮行禮前引大臣自

隆宗門內導引至

慈寧門階止豹尾班至門階下牆角左右止立後扈
大臣隨升階稍後立

皇帝御殿前引大臣自

太和殿後導引由

寶座兩旁趨至

寶座前左右東西面立後扈大臣二人

宮內隨出升至

御座左右僉立豹尾班於

寶座後左右南嚮立

躬祀

壇

廟以一二等侍衛二十人佩弓矢竝於

太和門於豹尾班之次隨行前引後扈大臣均佩

刀引扈如儀

南郊前引大臣立於三成階上豹尾班立於內壝門外
祈年殿

太廟前引大臣立於第一成階上

殿門前豹尾班立於三成階下

北郊

日壇

月壇前引大臣立於階下豹尾班立於內壝門外

社稷壇前引大臣立於內壝門外豹尾班立於拜殿

南門外展拜

堂子前引大臣立於甬道北豹尾班立於祭

神殿兩旁

先農壇前引大臣立於階下豹尾班立於樂懸南均

分左右序立後扈大臣均隨升降於

皇帝後左右僉立○

巡狩方岳

御前大臣侍衛暨

乾清門侍衛均隨從輪直侍衛以二班或三班隨從日行以侍衛二十人前導左右各十人豹尾班侍衛二十人扈從領侍衛內大臣侍衛班領率之次二班侍衛列隊行次王公一二品文武大臣隨行次領侍衛內大臣或內大臣散秩大臣一人侍衛什長二人率黃龍大纛行餘侍衛暨扈從各官均於大纛後以次行仍分令侍衛稽察踰越喧譁者○

駐蹕行營以內大臣一人散秩大臣二人入直

御前內大臣侍衛暨

乾清門侍衛分宿

御營兩廂

御營黃幔城旌門以侍衛班領一人署班領一人
內班侍衛二十人四隅班領二人署班領二人
率內班侍衛各十人網城門內以侍衛什長三
人率外班侍衛親軍三十人環共宿衛○

大閱日前引後扈大臣均甲冑前引後扈豹尾班侍衛甲冑殿後如儀

御前大臣侍衛等均甲冑隨行其次黃龍大纛隨行上三旗侍衛親軍均甲冑按次隨行

駕御帳殿豹尾班侍衛按翼排列左右建設黃龍大纛三旗侍衛親軍按隊環衛

凡常朝三旗領侍衛內大臣內大臣散秩大臣侍衛除直宿出差外日於黎明會集於

太和門按翼坐班

凡朝會班次歲於十二月將應入坐次之一品
大臣散秩大臣前鋒護軍統領暨外省來京將
軍都統職名開列進

呈恭候

欽定

凡升除領侍衛內大臣員闕除奉

特旨補授外將滿洲都統內大臣散秩大臣前鋒護

軍統領暨各省滿洲將軍職名開列具奏恭候
簡命○內大臣員闕以散秩大臣暨都統前鋒護軍
統領各省滿洲將軍職名開列亦如之○散秩
大臣多由

特恩補授或人員不敷於宗室鎮國輔國公鎮國輔
國將軍宗室一等待衛暨公侯伯子男內簡選
引

見或授散秩大臣或署散秩大臣恭候

欽定○世襲散秩大臣員闕移咨該旗將應襲人員
開送引

見補授○鑾儀衛掌衛事內大臣員闕由府以領侍
衛內大臣內大臣列名疏請補授○隨印辦理
事務侍衛班領員闕於侍衛班領署班領什長
內不論等級遴選引

見補授侍衛班領員闕於署班領什長內遴選署班
領什長員闕於侍衛內遴選均引

見補授侍衛初選均授為三等侍衛藍翎侍衛歲以
冬月推升一等待衛員闕以二等待衛引
見升補二等三等待衛員闕以次遞行引
見升補至勲戚後裔內有

特旨初選即授為一二等待衛者即坐補本旗員闕
宗室侍衛不論鎮國輔國奉國奉恩將軍先選
三等四等待衛遇闕以次升補亦如之

上駟院侍衛每旗七人司轡司鞍侍衛無定員隸

上駟院其兼尚虞鷹鷄房鶻房狗房十五善射善
騎射善射鵠善強弓善撲等處侍衛各有專管
統在三旗額內無定員○漢一等侍衛以一甲
一名武進士補授二等以一甲二名三名武進
士補授三等於二甲內簡選藍翎侍衛於三甲
內簡選○侍衛主事員闕於三旗侍衛筆帖式
內遴選引

見補授移咨吏部注册照保題例按俸升轉筆帖式

員闕於貼寫筆帖式內按資開列咨吏部考試
補用三年期滿如題留者候補本府主事移送
吏部者調選貼寫筆帖式員闕於親軍內考試
補用

凡習射三旗侍衛按期於該旗侍衛教場騎射
二次步射六次領侍衛內大臣暨侍衛班領察
驗遇閱軍器之年更番擐甲胄騎射○親軍按
期習騎射於侍衛教場協理事務侍衛班領及

親軍校察驗

凡考察遇京察之年主事筆帖式由領侍衛內
大臣甄別賢否冊送吏部都察院吏科京畿道
考覈侍衛例不入兵部軍政有庸惰老疾者班
領什長隨時呈領侍衛內大臣覈奏以別去留

欽定大清會典卷九十四